

✿通告

新舉臨時大總統袁 布告 十二月三十日

現在共和政體業已成立自應改用陽歷以示大回應自陰歷壬子年正月初一日起所有內
外文武官行用公文一律改用陽歷署大中華民國元年二月十八日即壬子年正月初一日
字樣特此布告

臨時公報

陽曆二月二十日即壬子正月初三日

公函

蒙古王阿穆爾靈圭等代表內蒙慶賀袁大總統函

共和國體業經宣布南北政府同時取銷臨時共和統一政府亟應成立惟時局之艱已臻至極臨時大總統一席非得才猷勳望中外翕服之人斷難肩此重任我公碩望閎才不特國內同欽抑且環球共服此次變起入秉鈞軸力任艱難調劑運旋卒能達國利民福之初旨凡有血氣感戴同深阿穆爾靈圭等前於蒙古聯合會提議經全體議決咸謂臨時大總統一席非公莫能勝任當以此意通電各省茲得直隸山東河南山西江蘇暨伍代表孫中山武昌黎都督蘇州莊都督覆電均表同情是則此議已爲全國一致之輿論除由蒙古聯合會備文陳請外阿穆爾靈圭等特再代表內蒙懇請公俯順羣情勉肩重任造五大民族之幸福建中華民國之新猷不勝跂盼之至專此肅請崇安伏維鑒察阿穆爾靈圭貢桑諾爾布全啟

禁衛軍馮爵統國璋率同全軍慶賀袁大總統函 十二月三十日

敬呈者共和宣布滿漢蒙回藏五族卽成一家然必有統一之人方足以鞏國基而謀幸福公德望孚乎中外才略軼乎古今總統一席非公莫屬願公愛國救民早膺斯席保衛皇室統一中原大局幸甚本軍幸甚合詞上籲伏乞垂鑒謹呈馮國璋帶同王廷楨忠和崇林扎拉芬田憲章宋玉珍暨全軍各級官佐目兵同叩

北京豫教女學堂經理沈鈞等致袁大總統函

現值 皇帝業已致政中華民國政府急宜成立所有統一南北鎮撫軍隊刷新政治應付外交非素負有中外重望之人萬難膺茲艱鉅今 紳民等決以我公於政治軍事外交洵爲中

陽歷二月二十日即壬子正月初三日

國一人此次解決國體苦心孤詣力持危局北數省賴以完全卒能得圓滿結果尤爲國民所深感大總統一席舍我公莫屬伏望俯順輿情顧全通國善後大局肩茲鉅任以造五族人民之幸福天下幸甚北京豫教女學堂經理沈鈞筮祖培沈瑞午閃厚卿

電報

奉天張作霖致袁大總統電 十二月三十日

頃由次帥傳知大總統已公選全權爲天下之人賀惟蒞甯一節軍界不甚允協仍以北京爲妥如必蒞甯恐有他變奉天軍界張作霖等叩印

上海廣西共和協進會致袁大總統電

民國統一公功實多公任總統無任歡迎尤望開誠布公速組織健全共和政府以靖內亂而維外交幸甚廣西共和協進會曾鏞等叩諫

袁大總統覆電

上海廣西共和協進會曾君鏞暨諸君均鑒諫電悉共和幸福全國同之諸君促進之功下走何力之有勉盡義務懼弗克勝辱賀悚慙承教感佩袁世凱

舊金山全體華僑陳健源等致袁大總統電 陽歷二月十八日即壬子正月初一日

公任總統國民幸福懋力任其難美洲愛國華僑全體陳健源等叩

袁大總統覆電 陽歷二月十八日即壬子正月初一日

美洲舊金山華僑陳君健源暨全體諸君公鑒共和幸福願與吾國民同之囑任其難不敢不勉來電感愧並問海外同胞無恙袁世凱

墨西哥工商總會慶賀袁大總統電 十二月三十日

公定共和歡喜無量墨國工商總會叩

袁大總統覆電 陽歷二月十八日即壬子正月廿一日

墨西哥工商總會公鑒承賀媿謝凱雖不才當誓為國民盡力謹覆並問我海外同胞無恙袁世凱

公呈

姜桂題軍門率同閩軍公舉袁大總統呈 十二月三十日

武衛左軍直隸提督姜桂題謹率同閩軍將領官佐兵士等公共承認袁大總統中華民國萬歲

雍和宮喇嘛奇特木雲丹敖思爾等上袁大總統呈 十二月二十八日

為陳明請願事竊自本年陰歷十二月二十五日大中華民國共和建立伸同胞之美誼泯本族之紛爭景運之隆伊古以來莫與倫比惟我佛法最表同情然非我公信義素孚德威無量何能包羅南北載戢兵戎普佛土之慈航度衆生之苦楚頃者民國雖建百度待興中外觀瞻於是焉繫非若我公恢廓大量何能合五大民族同德同心以開大業伏求我公力任大共和國政府臨時大總統以濟羣生我佛有靈特生英傑喇嘛等頂禮無窮為是公呈請願合詞推舉伏乞全權組織臨時政府袁俯鑒施行無量膜拜雍和宮喇嘛奇特木雲丹敖思爾旺喜拉布丹謹率全體喇嘛公衆上呈

全體回族上袁大總統呈 十二月三十日

陽歷二月二十日即壬子正月初三日

竊自共和政體宣布億衆歡騰從此亞東化五大族爲一家是誠千古未有之美舉 詔旨以袁內閣爲全權組織臨時政府尤覺允孚衆望曷勝慶幸惟現聞袁全權有辭職南行之說駭異殊甚因是 回民等特開全體臨時集會衆議僉同仍公舉袁全權爲臨時大總統並攀留大駕駐京以副衆望誠以世變以來各省糜爛瘡痍滿目困苦情形已不堪言狀自袁全權到京後北方各省始獲保全而京城受惠尤多感情自厚且嗣後組織政府外交內治萬幾待理百事正當改革之際若全權竟棄萬衆而行不但大失衆望誠恐北方之亂卽在目前全權固不以權位爲念獨不念北方數十萬生靈暨新造最完全之東亞大國又將殘破耶卽便有政須南北合商者亦祇須派員前往決不宜全權自行也 回民等爲顧全大局起見謹呈教掌王振益王寬張德純安楨教民馬汝駮李子明馬汝驎馮興永馬桂文楊俊卿楊少臣安明孫德春劉錫中丁慶三馬壽臣李定三劉少樵王春芝黃銳洪雲卿馬際泰趙玉相楊潯王永茂沙連璧李慶麟馬兆祥等全體叩呈